



Synfocity = 418

29th November, 2012

mail us at : mzsynfo@gmail.com; mizoramsynod@gmail.com - Phone - 2314648

☐ SEC Vawi 241&242-na

Nimin (Nov. 28) chawhma dar 10:00 khan Synod Office-a JM Lloyd Hall-ah Synod Executive Committee chu a vawi 241-na atan a thu a, vawiin hian SEC vawi 242-na budget session a thu leh bawk. Meeting hi Rev. Thangzauva, Moderator-in a kaihrui a, hming lam a nih zawhin Synod Secretary Upa D.P. Biakhuman reports a pe. Tun tumah hian SEC member 125 an kal a ni.

He meeting hian thu ngaihtuah tur 19 a nei a, hengte hi Synod Board leh Committee dangin an thlir tawh hnuia lo lut lehte an ni hlawm.

Thurel hriat theih chinah – British Library-in Endangered Archive Programme a kalpui mek, Synod ngaihdan a rawn zawhna chu Officers Meeting-in lo thlir hmasain an zir chianna an pharh a, hei hi thil tangkai tak a nih avangin Presbyterian Church of Wales-in a kalpui zel tha an ti a, Pathian Biak Inkhawm Hruaina bu enthatna chu belhchhah ngaite belhin Worship Committee-in a bu-a chhuah turin lo bawhzui tura dah a ni. Kum 2016-a Puitling Sunday School zir tur thupui atan “Thlarau Thianghlim” tih thlan a ni a, a ziaktu atan Rev. Dr. Tlanghmingthanga, ATC ruat a ni. Presbyterian Church in America (PCA) chu thawhpui atan thaa hriain Synod Inkhawmpuia thlen tura tih a ni a. Synod hnuiaia thawktute hlauh enthatu Pay Commission din rawtna pawm a ni a, Synod Inkhawmpuia ngaihtuah tura tih a ni bawk. Bawngkawn Synod ram hman tangkai dan tur Plan & Project thlir ho a ni a, Bawngkawn Synod ramah hian Hall lian mi 5000 leng, Out patient clinic, Youth Recreation Centre, Parking leh Pastor Quarters awm thei tura ruahmanna chu pawm a ni.

Synod Office-a Coordinator-te hna chanvo hetiang hian thlak kual a ni bawk:-

Hming	Tuna awmna	Awmna tur
Upa F. Lalremthanga	Superintendent	Music
Upa Lalrinmuana	KTP	Ramthar
Upa Zonunmawia	Synfo	KTP
Upa H. Lalhmingmawia	Music	Social Front
Dr. Robert S. Halliday	Social Front	Synfo
Pi Lalfakmawii	MSSU	Kohhran Hmeichhia
Pi Lalrinkimi	Kohhran Hmeichhia	MSSU

SEC 242-na vawiina thukhawm hian Budget chungchang bik an rel a. Finance Committee-in Synod Department hrang hrang atanga Additional Budget dilna a lo ngaihtuah tawh chu thlir hovin a pawm a, Synod Budget (2013 -2014) Finance Committee-in a lo siam rem hmasak tawh chu SEC hian thlir nawnin Synod Inkhawmpuia thlen turin a ruahman a ni.

☐ Bible Sunday

December 2 (Pathianni) hi Bible Sunday a ni a, Bible Society of India (BSI) zawmtu Kohhran hrang hrangten hemi pual hian programme an hmang ang. Presbyterian Kohhran chuan thupui pahnih a siam a, Kohhran thenkhat tum hnih programme siam theite tan ruahman a ni. Inkhawm tum khat hmangte tan a eng zawk zawk emaw, a pahniha kaihkawpin emaw hman theih a ni bawk. Bible Society puala thilpek lak khawm tur a ni a, Branch Treasurer hnenah theh luh tur a ni.

Kumin Bible Sunday thupui turte chu -

- ♦ Pathian thu chu a nung (Johana 1:1-3; Isaia 55:9-11)
- ♦ Pathian thu chuan thil a ti thei (Hebrai 4:12)

☐ Kohhran Hmeichhe Ni

November 30 (Zirtawpni) hi Kohhran Hmeichhe Ni a ni a, Presbyterian Kohhran Hmeichhiate chuan hemi pual hian programme an hmang ang. Kohhran Hmeichhe Ni hi kum 1997 atangin hman tan a ni a, kumin hi vawi 16 an hmanna tur a ni ta.

Kohhran Hmeichhe Inkhawmpui Lian-in Kohhran Hmeichhe Ni bik neih hi a rel a, Synod Executive Committee (SEC) in November Zirtawpni hnunung ber hi Kohhran Hmeichhe Ni atan hman ni se tia a relsak angin kum 1997 atang khan hman thin a ni. Synod Calendar-ah pawh Synod Ni pawimawh zinga dah tel a ni bawk. Central Kohhran Hmeichhe Committee chuan hemi pual hian programme a duang a, ‘Tunlai huna naupangte venhim Chhungkaw mawhpurhna’ tih thupui zirho a ni ang. Chawhma Inkhawmah Thupui zirho a ni ang a, chawhnuah Bial/Kohhranin tha an tih angin programme an hmang ang.

☐ Kohhran Hmeichhia

November 30 - 2 December hian Tuithumhna Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Liankimi, Finance Secretary; Pi C. Lianpari, Committee Member leh Pi Parchhuaki, Committee Member te an kal ang.

☐ ATC Day 2012

November 23 khan Aizawl Theological College Centenary Building Quadrangle-ah Aizawl Theological College Day vawi 105-na hman a ni. College Day denchhen hian chawhma dar 10:00-ah Sandy’s Hall-ah ATC faculty member zinga mi Professor kai thar mi pahnih- Rev. Professor C. Lalhlira leh Rev. Professor Vanlalngaka Ralte te Professorial Lecture ngaihtlak a ni a, he hun hi Rev. Zosangliana Colney, Executive Secretary i/c Theological Education-in a kaihrui a ni.

Rev. Prof C. Lalhlira hian lecture a pe hmasa a, a thupui chu “Intercultural Communication for Christian Ministry and Mission” tih a ni a, hnam dang zinga Chanchin Tha hril hna thawk tura hnam nun luhchilh dan zirhona leh Lal Isuan hnam nun mila Chanchin Tha a rawn thlen dan entawna tunlai huna hnam dang zinga Chanchin Tha luhpui dan chungchang a zirtir a ni.

Professorial Lecture pahniha atan Rev. Prof Vanlalngaka Ralte chuan “Redemption of the body in Paul” tih thupui hmangin Pathian chhandamnain taksa a pum puia a chhandam dan zirhona a buatsaih a. Heng Professorial lecture pahnihte hi sawihonain a zui ve ve a ni.

Contd...

Chawhnu dar 1:00-3:00 chungin ATC Day vawi 105-na lawmna programme hi Aizawl Theological College Centenary Building Quadrangle-ah hman zui a ni a, he programme hi Rev. Thangzauva, Synod Moderator-in a kaihrui a, Rev. Prof. Vanlalchhuanawma, Principal-in Inlawmna leh Report hun a hmang a, Rev. Zosangliana Colney, Executive Secretary-in zirlai tithate hnenah lawmman chi hrang hrang a sem. College Day-ah hian Speaker chu Rt. Rev. Bishop Isaac Mar Philoxenos, President, Senate of Serampore University a ni a, thupui chu "Mission as building fraternity- the impact on theological education" tih a ni. Day lawmna inkhawmah hian ATC Male Voice leh Synod Choir te an zai a ni.

Rev. Prof. C. Lalhlira, Vice Principal-in lawmthu a sawi a, Rev. Vanlalzuata, Senior Executive Secretary-in Malsawmna sawiin inkhawm a tin a, Day lawmna thingpui ruai tuihnai tak in ho a ni.

Aizawl Theological College hi kum 1907 khan Mission Vengthlangah Aizawl Theological School tiin din a ni a, Principal hmasa ber chu Rev. D.E. Jones a ni. D.E. Jones hi kum 1923 khan Pu Sandy-an a thlak a, kum 1924-ah College hi Durtlangah sawn a ni. Pu Sandy-a a thih avangin kum 1927-ah Aizawl lamah sawn thlak a ni leh a. Kum 1964-ah Mizo Principal hmasa ber atan Rev. C. Pazawna a lo awm tan a, hei hi College-in hma a sawn tak tak tanna chu a ni.

Kum 1965-ah Serampore Senate chuan L.Th zirna atan pawmin College dinhmunah hlan kai a ni a, kum 1971-ah B.Th zirnaah hlan kai a ni leh a, kum 1994-ah B.D. zirna College-ah hlan kai a ni leh a, kum 2000-ah Senate phalnain Dip. C.S, BCS leh D.Min zirna hawn a ni leh a. Kum 2002 khan M.Th (Christian Theology) zirna hawn a ni leh a, kum 2003 atang chuan B.Th zirna chu tihtawp a ni a, Certificate Course In Christian Studies hawn a ni ve thung a. Kum 2008-ah M.Th (Missiology leh New Testament) hawn a ni a, kum 2009-ah M.Th (History of Christianity) hawn a ni leh a, kum 2011-ah M.Th (Religion leh Old Testament) hawn a ni leh a ni. Tunah hian Senate of Serampore Commission chuan Doctorate zirna turin a enfiah mek baw. ATC hi Synod Theological Board-in a enkawl a, tunah hian subject pasarihah zirtirtu 29 an awm mek a, staff dang 20 an awm baw.

ATC Day-ah hian kum 2011-2012-a BD leh M.Th final year zir tithate hnenah lawmman chi 19 sem a ni a, chung zinga 11 chu B.D. pual bik niin 7 chu M.Th pual bik a ni a, 1 chu a infina inelna a ni. BD bikah hian Proficiency Prize dawngtu mi 44 an awm a, mark 65% hmu phak chinte niin pawisa fai Rs.200 theuh an dawng a, M.Th zirlai zingah Proficiency Prize hmu phak mi 20 an awm baw. B.D. Zirlai zingah hian mimala titha ber chu Lalmuanpuii Hmar a ni a, ani hian lawmman chi hrang 11-ah hian a vaiin pakhatna a hauh vek a, M.Th zirlaite nena infina inelna, Best Outgoing student award a la baw a ni.

Kum 2013-2014 session-ah hian B.D. (Old Course)-ah zirlai 23, B.D. (New Course)-ah zirlai 77 an awm a, M.Th Course zirlai 28 leh Special Course zirlai 2, an vaiin zirlai 130 an awm mek a, an zingah hian 8 chu hmeichhia an ni.

❑ **Counselling Training khar**

Mizoram Synod, Family Guidance & Counselling Centre-in November 14 atanga Pastor-te puala Intensive Residential Pastoral Care & Counselling Training vawi 22-na, Synod Conference Centre-a a buatsaih chu November 27 zan khan khar a ni.

A kharna hun hi Rev. Zosangliana Colney, Synod Executive Secretary-in hmanpuiin training chhuakte hnenah certificate a hlan. He training-ah hian kum 2010-a nemngheh Pastor 17 an tel a ni.

Training kharna inkhawm hi Rev. R. Lalhmingthanga, FG&CC Director-in a kaihrui a, Training chhuakten an hlawkpui dan a lema an ziah chu an entir a, Upa D.P. Biakkhuma, Synod Secretary-in tawngtaisakna hun a hmang. He hun hmanpuitu, Rev. Zosangliana Colney chuan thu sawiin, Kohhran mipui, harsatna tawkte chhanchhuahna atana Counselling Training buatsaih a ni chu lawmawm a tih thu sawiin, "Lal Isuan amah hmangaih vetu hnenah a Beramte chawm leh enkawl tura a tih angin, rawngbawltute hian Lal Isua kan hmangaih a nih chuan, A hmangaihte kan hmangaihpu a ngai a, harsatna tawkte tan thahnemngai taka kan tanpui zel a pawimawh a ni" a ti. Tin, training chhuakte aiawhin Rev. Lalmuankima Pautu, Lala (Barak Area) bialtu Pastor-in thu a sawi baw a ni.

FG&CC hian kum tinin Pastor leh Upa te tan Pastoral Care & Counselling Training hi a buatsaih thin a, Pastor 376 hnenah training Certificate hlan tawhin, kum 2002 atanga Lay Leader puala vawi 17 a neih tawhah Lay Leader 315 hnenah Training Certificate a hlan tawh baw.

❑ **Consultation on Evangelism**

Central KTP buatsaihin nimin (Nov. 28) khan nilengin Mission Veng Kohhran Hall-ah thalaite rawngbawlna peng pakhat Evangelism lama rawngbawlna tihchak dan tur chungchanga inrawnkhawmna (Consultation on Evangelism) hun hman a ni a, Branch tin aiawh mi pakhat theuh tel tura sawm an ni a, mi 400 zet an kal.

Chawhma dar 9:30-10:00 chungin registration tihfel a ni a, dar 10:00-12:00 chungin chawhma session niin Tv. V.L. Muanchhana, Asst. Secretary, CKTP-in a kaihrui a, Upa Lalrinmuana, General Secretary, CKTP-in puan tur pawimawh a puan hnuah "Evangelism awmzia leh Evangelical Cell kalphung" tih thupui hmangin Rev. Lalrinmawia, Leader, CKTP-in thu a sawi a, hei hi sawihonain a zui a ni.

Chawhnu session hi chawhnu dar 1:30 atanga tanin tlai lam dar 3:30 thleng hman a ni leh a. Chawhnu session hi Pu Lalnghinglova, Committee Member, CKTP-in a kaihrui a, "Thlarau lam inbuatsaihna" tih thupui hmangin Tv. Vanlalvuana, Venghluin thu a sawi a, sawihonain a zui leh a ni.

Presbyterian Kohhrana Kristian Thalal Pawl hian hun rei tak atang tawh khan thalaite zingah Evangelism lam hawia rawngbawlna hi an lo kalpui tawh a, tun thleng hian thalaite sual kawng zawh lo tura chhanchhuahna hmanraw pawimawh ber zinga mi a la ni ta zel a ni.

❑ **Synod Hospital**

Specialist Doctor tun hnaia chawh la te:

Hming	Designation	Chawh Lak
1. Dr. Doris Hmingthanzami	Anaesthesiologist	December 1 – 20, 2012
2. Dr. Ramdinpuia	Medicine Specialist	December 1 – 9, 2012
3. Dr. P. C. Lalthlamuana	Medicine Specialist	December 3 – 20, 2012
4. Dr. H. Lalrinchhana	Orthopaedic Surgeon	December 1 – 18, 2012

❑ **Synod Choir**

December 1 (Inrinni) hian Maubuang Kohhran Biak In thar Synod Moderator Rev. Thangzauvan a hawng dawn a, Mizoram Synod Choir an kal baw ang. Mizoram Synod Choir-te hian chawhnu fellowship programme an kaihrui baw ang.

- PES Zirtirtu Training**
 Presbyterian English School Zirtirtute tan Pre-School Teachers Training, SCERT-ah tunlai hian neih mek a ni a. November 20 - 23 chungkhan a tum khatna neih a ni a, hetah hian zirtirtu 39 an tel. A tum hnihna chu November 27 - 30 chungkhan neih leh mek a ni a, hetah hian PES hmun hrang hrang atangin 41 in training hi an chhim leh a ni. SCERT hnuai hian PES Zirtirtute hian training an lo nei tawh thin a, Director leh hotu dangte chungkhan PES zirtirtute an lawm tak zet a ni.
- Hruaina Eng FM Radio & TV Programme**
 ♦ **NOVEMBER 30 (FM Radio @ 7:30 p.m.) :**
Choir/Group : Saron Presbyterian Kohhran Zaipawl - Rorelna Dik, Vohbik - Aw Zan Thianglim, **Thuchah :** Lalrinkimi - Kohhran Hmeichhe Ni thuchah, **Solo :** Margareth Malsawmzuali - Tianna Hlu, Rebecca Saimawii - Khawvelah hian lal tam tak an lo piang ta a
 ♦ **DECEMBER 2 (TV Programme @ 3:00 p.m. :**
Trio : Judy, Lalmuanpuui & Melody - Pathian lekhka ka ring e, **Sermon :** Rev. Vanlalbela - Bible Sunday Thuchah, **ATC Day 2012**
- Susamachar Prasaran Programme**
DECEMBER 2 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Aizawl Venglai Masihi Sangati - Dil se me, **Group/Choir/Solo :** Luangmual Vengthlang - Shristi, **Sermon :** Rev. Vanlalbela - Parmeshwar ka vachan zivit hai, **Group/Choir/Solo :** Mission Veng Masihi Sangati - Jisu Daken, **Group/Choir/Solo :** Central PYF Choir - Krus Par
- Moderator Programme**
 Synod Moderator Rev. Thangzauva chuan tun kar tawpah hetiang hian hun a hmang ang :
 December 1 (Inrinni) : Maubuang Kohhran Biak In thar a hawng ang
 December 2 (Pathianni) Chawhma : Bung Bangla Kohhran
 December 2 (Pathianni) Chawhnu : Bungkawn Kohhran
 December 2 (Pathianni) Zan : Centenary Kohhran
- Synod Mission Board**
 Synod Ramthar Board Executive Committee meeting chuan Field chungkhan thawktute awmna an siam rem a, kum 2013 atana Contract Missionary a lak tharte awmna hmun tur (posting) pawh siam fel a ni a, www.mizoramssynod.org -ah en theih a ni.

FIELD CHHUNG TRANSFER & POSTING - 2012								
Sl. No	Hm ing	Thiam na	Hnathaw h	Tuna aw m na	Field hm ing	A w m na tur Field	A w m na tur	Thaw h tur
1.	F. Vanlalvuani	HSLC	E/T	Damparengpui	Home Mission N	Home Mission N	Damparengpui	Evan.
2.	C. Lalrinliana	BA B.Ed.	Headmaster	PMS Silonijan	Karbi Anglong	Karbi Anglong	PMS Sarihajan	Headmaster
3.	H. Vanlalruati	BA BD B.Ed	E/T	PMS Diphu	Karbi Anglong	Karbi Anglong	PMS Diphu	Asst. Headmaster
4.	K. Lalmuanpuui	PU/HW	H/W	Jengkha	Karbi Anglong	Karbi Anglong	Hamren	H/W
5.	R. Lalsangpuui	GNM	S/N	Dongkamukam	Karbi Anglong	Karbi Anglong	Longnit Borjan	S/N
6.	C. Lalronghaka	BA	Evan.	Lakla	Arunachal E	Arunachal E	Miao	Evan.
7.	K. Lalrambeiseia	PU	Evan.	Tamulpur	Assam	Assam	Tezpur	Evan.
8.	H. Lalruatkima	BA	Evan.	Baibabkunda	Assam	Assam	Mangaldai	Evan.
9.	Zonunmawii	BA	E/T	SPS Bairabkunda	Assam	Assam	Mangaldai	Evan.
10.	P.C. Lalremsangi	HSLC	O/A	Winchester	Cachar Tlang	Cachar Tlang	Winchester	E/T
11.	Lalnuntluanga	UM	Peon	Winchester	Cachar Tlang	Cachar Tlang	Hachhek Ramtha	Evan.
12.	H. Vanlalidika	BA B.Ed.	Asst. Hdm.	Karimganj	Barak	Barak Area	Gharmurra	Headmaster
13.	Lalrinzuali Colney	BA B.Ed.	Headmaster	EES Pecharthal	Tripura	Tripura	MES Ambassa	Headmaster
14.	P.C. Hrangliantluanga	BA	Evan.	Pecharthal	Tripura	Tripura	Ambassa	Evan.
15.	V. Lalremruati	BA B.Ed.	Headmaster	MES Ambassa	Tripura	Tripura	EES Pecharthal	E/T
16.	P.C. Ronghinglova	HSLC	Evan.	Ruprai	Tripura	Tripura	Chakmaghat	Evan.
17.	Vanlalrawna	BA	Evan.	Manu	Tripura	Tripura	Gabardi	Evan.
18.	H.C. Laldinmawia	BA	Headmaster	Tuichawng	Home Mission S	Home Mission S	Parva I	Headmaster
19.	T.C. Sanghmingthangi	BA	E/T	Tuichawng	Home Mission S	Home Mission S	Parva I	E/T
20.	MB Laltanpuia	HSLC	Headmaster	Kaw rthindeng	Home Mission S	Home Mission S	Buknuam	E/T
21.	R. Laldingliana	PU	Headmaster	Saibaw h	Home Mission S	Home Mission S	Chawngte	Leader, B/C GT
22.	C. Lalthlamuana	HSLC	E/T	Parva I	Home Mission S	Home Mission S	Kaw rthindeng	Headmaster
23.	Lalchawliana	UM	Evan.	Phairuankai	Home Mission S	Home Mission S	Tlabung	Ldr, Chakma G/T
24.	R. Sangzuama	UM	Leader, B/C G	Chawngte	Home Mission S	Home Mission S	Phairuankai	Evan.
25.	Ramsangmawii	BA B.Ed.	E/T	RMHS Karimganj	Barak Area	Barak Area	OHS Silchar	E/T

SPECIAL CAMPING

Synod Social Front buatsaihin Synod Rescue Home, Durtlangah December 4-8 chungkhan Special Camping buatsaihin a ni dawn a, a lut duh tan ngaihven theih a ni. Thil tulte: Camp Fee Rs. 100/-, rizai, blanket, lukham, thleng leh no; awngphah leh thosilen ken a ngai lo ang. December 4 (Thawhlejni) tlai dar 3:00 hmaa luh fel tur a ni a, December 8 (Inrinni) zingah chhuah tur a ni ang.

Rev. Ramdinmawia
Director, Synod Rescue Home

SYNOD INKHAWMPUI VAWI 89-NA PROGRAMME

A hmun : Chanmari Kohhran Biak In

A hun : Nov. 28 – Dec. 9, 2012

Nov. 28 (Nilaini) 9:30 a.m. – 4:00 p.m.	: Synod Executive Committee
Nov. 29 (Ningani) 9:30 a.m. – 4:00 p.m.	: SEC Budget Session
Nov. 30 (Zirtawpni) 9:30 a.m. – 4:00 p.m.	: Pastoral Committee (Pro. Pastor hna dilte Interview)
Dec. 3 (Thawh\anni) 9:30 a.m. – 4:00 p.m.	: Pastoral Committee
Dec. 4 (Thawhlehni) 9:30 a.m. – 4:00 p.m. 6:00 p.m	: NOMINATION COMMITTEE : PATHIAN BIAK INKHAWM Inlawmna leh Reports
Zaipawl	: 1) Bawngkawn Bial 2) Mizoram Synod Choir 3) N. Vanlaiphai Bial
Dec. 5 (Nilaini) 9:30 a.m. – 4:00 p.m. 6:00 p.m. Thusawitu Zaipawl	: SYNOD ROREL : PATHIAN BIAK INKHAWM : Rev. H. Zothansanga, Luangmual 1) E. Phaileng Bial 2) Ramhlun Vengthar Bial 3) Mamit Bial
Dec. 6 (Ningani) 9:30 a.m. – 4:00 p.m. 6:30 p.m. Thusawitu Zaipawl	: SYNOD ROREL : PATHIAN BIAK INKHAWM : Rev. F. Lalrinnunga, Mission Vengthlang 1) Phuldungsei Bial 2) Mission Veng Bial
Dec. 7 (Zirtawpni) 9:30 a.m. – 4:00 p.m. 6:30 p.m. Thusawitu Zaipawl	: SYNOD ROREL : PATHIAN BIAK INKHAWM : Manipur Synod Palai 1) Chhingchhip Bial 2) Armed Veng Bial
Dec. 8 (Inrinni) 9:30 a.m. – 4:00 p.m. 6:30 p.m. Thlarau lam thupui Thusawitu Zaipawl	: SYNOD ROREL : PATHIAN BIAK INKHAWM : ‘A ram leh a felna zawn hmasak’ (Matthaia 6:33) : Rev. Dr. C. Chawngmingliana, Lunglei 1) New Lambulance Bial 2) Dawrpui Bial
Dec. 9 (Pathianni) 10:00 a.m.	: PASTOR NEMNGHEH LEH PRO. PASTOR DAHNGHEH INKHAWM
Thurin zawttu	: Rev. J. Vanlalhnuna, Chaltlang
Thuchah sawitu leh tawngtai saktu Zaipawl	: Rev. R. Lalnuntluanga, Venghlui 1) Reiek Bial 2) Khawzawl Dinthar Bial
1:00 p.m. Buatsaihtu Zaipawl	: LALPA ZANRIAH SAKRAMEN : Rev. Lalramliana Pachuau, Moderator 1) Thenzawl Bial 2) Ramhlun North Bial
6:30 p.m. Moderator Valedictory Sermon Zaipawl	: PATHIAN BIAK INKHAWM : Rev. Thangzauva, Moderator Kalchhuak 1) Chanmari Kohhran Zaipawl 2) Mizoram Synod Choir

